



Broj: 05-4373-4/19
Sarajevo, 12. 12. 2019. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine FBiH“, broj 75/17), člana 16. stav 1) tačka j) Statuta Agencije za bankarstvo FBiH („Službene novine FBiH“, broj 3/18), člana 64. stav (1) tačka b), člana 70. stav (1) Zakona o javnim nabavkama („Službeni glasnik BiH“ broj 39/14), člana 10. stav (1) Pravilnika o postupku dodjele ugovora o uslugama iz Aneksa II. dio B Zakona („Službeni glasnik BiH“, broj: 66/16), a na osnovu preporuke Komisije za javne nabavke iz Zapisnika o pregledu i ocjeni ponuda u postupku nabavke usluga, broj: 05-4373-3/19 od 09. 12. 2019. godine, direktor Agencije za bankarstvo FBiH donosi

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za javne nabavke usluga sistematskog zdravstvenog pregleda radnika Agencije za bankarstvo Federacije BiH (u nastavku: Ugovorni organ), iz Zapisnika o pregledu i ocjeni ponuda, broj: 05-4373-3/19 od 09. 12. 2019. godine i ugovor za predmetnu nabavku dodjeljuje se ponuđaču PZU Poliklinika „Atrijum“ Sarajevo.

Član 2.

Ukupna ponuđena cijena iz tačke I. ove odluke iznosi 56.490,00 KM bez uračunatog poreza na dodanu vrijedost (PDV). Cijena ponude ne uključuje PDV, s obzirom da je djelatnost zdravstvene zaštite oslobođena plaćanja PDV-a.

Član 3.

Ova odluka objavit će se na internetskoj stranici Ugovornog organa www.fba.ba, istovremeno s upućivanjem iste ponuđačima koji su sudjelovali u postupku javne nabave, u skladu s odredbom člana 70. stav (6) Zakona o javnim nabavkama.

Član 4.

Za izvršenje ove odluke zadužuje se i ovlašćuje Sektor zajedničkih funkcija.

Član 5.

Ova odluka stupa na snagu danom donošenja.

OBRAZLOŽENJE

Postupak javne nabavke predmetnih usluga pokrenut je Odlukom o pokretanju postupka javne nabavke usluga, broj: 05-4373/19 od 20. 11. 2019. godine.

Javna nabavka je sprovedena u skladu sa Pravilnikom o postupku dodjele ugovora o uslugama iz Aneksa II. dio B Zakona o javnim nabavkama. U skladu s odredbom člana 7. stav (3) Pravilnika o postupku dodjele ugovora o uslugama iz Aneksa II. dio B Zakona o javnim nabavkama, Ugovorni organ je

pripremio i objavio Poziv za dostavu ponuda na svojoj internetskoj stranici, dana 21. 11. 2019. godine, a izmjenu Poziva za dostavu ponuda, dana 04. 12. 2019. godine, uz istovremeno upućivanje istog na adrese trojice potencijalnih ponuđača.

Procijenjena vrijednost nabavke utvrđena je u iznosu od 58.000,00 KM – bez poreza na dodanu vrijednost (PDV).

U skladu s odlukom Ugovornog organa imenovana je komisija za nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Slijedom navednog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su po predmetnom postupku nabavke evidentirane 2 (dvije) pravovremeno pristigle ponude, od strane slijedećih ponuđača: PZU Poliklinika „Agram“ Sarajevo i PZU Poliklinika „Atrijum“.

Na osnovu usporedbe prispjelih ponuda u pogledu ispunjavanja zadanih kvalifikacijskih i cjenovnih uslova nadmetanja, komisija je utvrdila slijedeće:

- da ponude navedenih ponuđača ispunjavaju sve uslove i zahtjeve iz Poziva za dostavu ponuda, te da su iste prihvatljive za ugovorni organ u predmetnom postupku nabavke.

U vezi s navedenim, u slijedećoj tabeli daju se rezultati rangiranja ponuda prema kriteriju za dodjelu ugovora, kako slijedi:

Redni broj	Ponuđači	Ukupna cijena, bez PDV-a
1.	PZU Poliklinika „Atrijum“ Sarajevo	56.490,00
2.	PZU Poliklinika „Agram“ Sarajevo	57.564,00

Iz prednje navedenog vidljivo je da je ponuda ponuđača „Atrijum“ d.o.o. Sarajevo prihvatljiva za Ugovorni organ na osnovu zadanih kvalifikacijskih i cjenovnih uvjeta nadmetanja, pa je komisija dala preporuku da se navedenom ponuđaču, saglasno članu 64. stav 1. tačka b) Zakona o javnim nabavkama, dodijeli ugovor za javnu nabavku predmetnih usluga.

Slijedom navedenog, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, u skladu s odredbama članova 99. i 101. Zakona o javnim nabavkama (“Službeni glasnik BiH” broj: 39/14).

Žalba se podnosi u pisanom obliku – u tri primjerka, u roku od 10 (deset) dana od dana obavijesti dobrovoljnog ex ante obavještenja o transparentnosti na Portalu javnih nabavki.

Dostaviti:

- svim učesnicima u postupku
- a.a.

